

## TILSKIPUN FRAMKVÆMDASTJÓRNARINNAR 97/59/EB

frá 7. október 1997

### um aðlögun að tækniframförum á tilskipun ráðsins 90/679/EBE um verndun starfsmanna gegn áhættu vegna líffræðilegra áhrifavalda á vinnustöðum (sjöunda sértilskipun í skilningi 1. mgr. 16. gr. tilskipunar 89/391/EBE)(\*)

FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 89/391/EBE frá 12. júní 1989 um lögleiðingu ráðstafana er stuðla að bættu öryggi og heilsu starfsmanna á vinnustöðum <sup>(1)</sup>, einkum 17. gr.,

með hliðsjón af tilskipun ráðsins 90/679/EBE frá 26. nóvember 1990 um verndun starfsmanna gegn áhættu vegna líffræðilegra áhrifavalda á vinnustöðum (sjöunda sértilskipun í skilningi 1. mgr. 16. gr. tilskipunar 89/391/EBE) <sup>(2)</sup>, eins og henni var breytt með tilskipun ráðsins 93/88/EBE <sup>(3)</sup> og tilskipun framkvæmdastjórnarinnar 95/30/EB <sup>(4)</sup>, einkum 19. gr.,

með hliðsjón af álitni ráðgjafarnefndarinnar um öryggi, hollustuhætti og heilsuvernd á vinnustöðum,

og að teknu tilliti til eftirfarandi:

Líta ber á ákvæði tilskipunar 90/679/EBE sem mikilvægan þátt í heildarstefnu sem miðar að því að vernda heilsu starfsmanna á vinnustöðum.

Markmiðið með tilskipun 93/88/EBE, en í henni er fyrsta skráin yfir líffræðilega skaðvalda á grundvelli skilgreininganna í 2., 3. og 4. lið d-liðar 2. gr. tilskipunar 90/679/EBE, er að samræma skilyrði á þessu sviði jafnframt því að viðhalda þeim framförum sem hafa orðið.

Skrána og flokkun líffræðilegra skaðvalda skal athuga og endurskoða reglulega á grundvelli nýrra vísindalegra gagna.

Ráðstafanirnar sem kveðið er á um í þessari tilskipun eru í samræmi við álit nefndarinnar sem er skipuð samkvæmt 17. gr. tilskipunar 89/391/EBE.

SAMÞYKKT TILSKIPUN ÞESSA:

1. gr:

Ákvæðum III. viðauka við tilskipun 90/679/EBE er hér með breytt í samræmi við viðaukann við þessa tilskipun.

2. gr:

1. Aðildarríkin skulu samþykkja nauðsynleg lög og stjórnisýslufyrirmæli til að fara að tilskipun þessari eigi síðar en 31. mars 1998. Þau skulu tilkynna það framkvæmdastjórninni þegar í stað.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau verða birt opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni ákvæði úr landslögum sem samþykkt verða um málefni sem tilskipun þessi nær til.

3. gr:

Tilskipun þessi öðlast gildi á tuttugusta degi frá því að hún birtist í *Stjórnartíðindum Evrópubandalaganna*.

4. gr:

Tilskipun þessari er beint til aðildarríkjanna.

Gjört í Brussel 7. október 1997.

*Fyrir hönd framkvæmdastjórnarinnar,*

Páraig FLYNN

*framkvæmdastjóri.*

(\*) Þessi EB-gerð, sem birtist í Stjtið. EB L 282, 15.10.1997, bls. 33, var nefnd í ákvörðun sameiginlegu EES-nefndarinnar nr. 94/98 frá 25. september 1998 um breytingu á XVIII. viðauka (Öryggi og hollustuhættir á vinnustöðum, vinnuréttur og jafnrétti kynjanna) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

<sup>(1)</sup> Stjtið. EB L 183, 29. 6. 1989, bls. 1.

<sup>(2)</sup> Stjtið. EB L 374, 31. 12. 1990, bls. 1.

<sup>(3)</sup> Stjtið. EB L 268, 29. 10. 1993, bls. 71.

<sup>(4)</sup> Stjtið. EB L 155, 6. 7. 1995, bls. 41.

## VIÐAUKI

Eftirfarandi breytingar eru gerðar á III. viðauka við tilskipun 90/679/EBE:

1. Eftirfarandi skaðvöldum er bætt við og eru þeir flokkaðir sem hér segir:
  - undir fyrirsögninni „Gerlar“:
    - *Bartonella (Rochalimea)* spp., sem flokkast í 2. flokk,
    - *Escherichia coli*, stofnar sem mynda verófrumuskemmandi eitur (t.d. O157:H7 eða O103), sem flokkast í flokk 3 (\*\*) með athugasemdinni „T“,
    - *Mycoplasma hominis*, sem flokkast í 2. flokk,
    - *Mycoplasma caviae*, sem flokkast í 2. flokk,
    - *Shigella dysenteriae*, nema tegund 1, sem flokkast í 2. flokk,
  - undir fyrirsögninni „Veirur“:
    - undir *Arenaviridae*:
      - Guanarito, sem flokkast í 4. flokk,
      - Sabia, sem flokkast í 4. flokk,
      - Flexal, sem flokkast í 3. flokk,
      - aðrar veirur úr hópi LCM-Lassa-skyldra veira, sem flokkast í 2. flokk,
    - undir *Bunyaviridae*:
      - Germiston, sem flokkast í 2. flokk,
      - Sin Nombre (áður þekkt sem Muerto Canyon), sem flokkast í 3. flokk,
      - Belgrade (einnig þekkt sem Dobrava), sem flokkast í 3. flokk,
      - Bhanja, sem flokkast í 2. flokk,
    - undir *Flaviviridae*:
      - Lífurþólguveira G, sem flokkast í flokk 3 (\*\*), með athugasemdinni „D“,
    - undir *Herpesviridae*:
      - Herpesveira 7 í mönnum, sem flokkast í 2. flokk,
      - Herpesveira 8 í mönnum, sem flokkast í 2. flokk með athugasemdinni „D“,
    - undir óflokkuðum veirum:
      - *Equine morbillivirus*, sem flokkast í 4. flokk,
  - undir fyrirsögninni „Sveppir“:
    - *Candida tropicalis*, sem flokkast í 2. flokk,
    - *Cladophialophora bantiana* (áður þekkt sem: *Xylohypha bantiana*, *Cladosporium bantianum* eða *trichoides*), sem flokkast í 3. flokk,
    - *Scedosporium apiospermum* (*Pseudallescheria boydii*), sem flokkast í 2. flokk,
    - *Scedosporium prolificans* (*inflatum*), sem flokkast í 2. flokk,
2. undir fyrirsögninni „Gerlar“ verða eftirfarandi breytingar:
  - vísindaheiti skaðvaldsins „*Pseudomonas mallei*“ er breytt í „*Burkholderia mallei* (*Pseudomonas mallei*)“,
  - vísindaheiti skaðvaldsins „*Pseudomonas pseudomallei*“ er breytt í „*Burkholderia pseudomallei* (*Pseudomonas pseudomallei*)“,
  - vísindaheiti skaðvaldsins „*Rochalimaea quintana*“ er breytt í „*Bartonella quintana* (*Rochalimaea quintana*)“.
3. undir fyrirsögninni „Veirur“ verða eftirfarandi breytingar:
  - flokkur *Arenaviridae* er endurskipulagður á eftirfarandi hátt:
    - LCM-Lassa-skyldar veirur (arenaveirur úr gamla heiminum):
      - Lassasóttveira, sem flokkast í 4. flokk,
      - Æðuflækju-og mengisbólguveira (taugasæknir stofnar), sem flokkast í 3. flokk,
      - Æðuflækju-og mengisbólguveira (aðrir stofnar), sem flokkast í 2. flokk,
      - Mopeiaveira, sem flokkast í 2. flokk,
      - Aðrar veirur úr hópi LCM-Lassa-skyldra veira, sem flokkast í 2. flokk,

- Takarib-skyldar veirur (arenaveirur úr nýja heiminum):
    - Guanarito-veira, sem flokkast í 4. flokk,
    - Junin-veira, sem flokkast í 4. flokk,
    - Sabia-veira, sem flokkast í 4. flokk,
    - Machupo-veira, sem flokkast í 4. flokk,
    - Flexal-veira, sem flokkast í 3. flokk,
  - í stað málsliðarins „Mopeia-veira og aðrar takaribveirur“ kemur „aðrar takarib-skyldar veirur“, sem flokkast í 2. flokk,
  - flokkurinn „óflokkaðar veirur“ breytist sem hér segir:
    - í stað málsliðarins „Blóðlifrabólguveirur sem hafa ekki verið greindar“ kemur „Lifrabólguveirur sem hafa ekki verið greindar“,
    - skaðvaldurinn „E-lifrabólguveira“ er færður úr floknum „óflokkaðar veirur“ í flokkinn „*Calciviridae*“.
4. Orðalag neðanmálgreinarinnar „(i)“, sem fylgir listanum yfir veirur, breytist sem hér segir:  
„Ekki liggja fyrir afdráttarlausar sannanir um að menn hafi sýkst af völdum smitefnis heilahrömunar í nautgripum. Þrátt fyrir það er í varúðarskygni mælt með innilokunarstigi á rannsóknarstofum sem miðast við skaðvalda í áhættuflokki 3 (\*\*).“
-